

Түркістан облысының денсаулық сақтау басқармасының
«Абай» Келес аудандық ауруханасы» ШЖҚ МКК-ның жалпы жиналысының
хаттамасы.

Абай ауылы

19.08.2024ж.

Төрайым: Исахова Сауле Серикбаевна - кәсіпорын басшысы.
Хатшы: Жунусов Бауыржан Жанибекович – кәсіпорын заңгері

Күн тәртібінде:

Сыбайлас жемқорлыққа қарсы комплаенс қызметі (2015 жылғы 18 қарашадағы
«Сыбайлас жемқорлыққа қарсы іс-қимыл туралы» ҚР заңының 16-бабы)
талаптарын сақтау мәселелері бойынша тоқсан сайынғы түсіндіру іс-
шараларының жоспарына сәйкес, 3 -тоқсанның түсіндірме жұмыстары туралы

Қатысқандар: «Абай» Келес аудандық ауруханасы» ШЖҚ МКК-ның
әкімшілік-басқару қызметкерлері, құрылымдық бөлім меңгерушілері.

Жиналысты кәсіпорын басшысы С.Исахова ашып, Қазақстан
Республикасының 2015 жылғы 18 қарашадағы «Сыбайлас жемқорлыққа қарсы іс-
қимыл туралы» Заңына сәйкес, квазимемлекеттік сектор субъектілеріндегі
сыбайлас жемқорлыққа қарсы комплаенс қызметі және комплаенс қызметі туралы
Үлгілік ережемен таныстырып, түсіндіру үшін кәсіпорынның заңгері әрі
комплаенс-офицері қызметін қоса атқарушы Б.Жунусовқа сөз берді.

Б.Жунусов: Сыбайлас жемқорлыққа қарсы комплаенс – Түркістан облыстық
денсаулық сақтау басқармасының «Абай» Келес аудандық ауруханасы»
шаруашылық жүргізу құқығындағы мемлекеттік коммуналдық кәсіпорны мен
оның қызметкерлерінің Қазақстан Республикасының сыбайлас жемқорлыққа
қарсы іс-қимыл жөніндегі заңнамасын сақтауын қамтамасыз ету жөніндегі
функция. Атап айтқанда:

1.Өз қызметін жүзеге асыру кезінде сыбайлас жемқорлыққа қарсы комплаенс
қызмет:

1). Квазимемлекеттік сектор және оның үлестес тұлғалары туралы ақпараттың
сыбайлас жемқорлыққа қарсы комплаенс функцияларын жүзеге асыру кезеңінде
белгілі болған инсайдерлік ақпараттың, егер онда дайындалып жатқан және
(немесе) жасалған сыбайлас құқық бұзушылық туралы деректер болмаса,
құпиялылығын сақтайды.

2). Квазимемлекеттік сектор субъектісінде сыбайлас жемқорлыққа қарсы іс-
қимыл мәселелері бойынша сыбайлас жемқорлықтың, корпоративтік Әдеп
кодесінің және өзге де ішкі құжаттардың бұзылуының болжамды немесе нақты
фактілері бойынша жүгінген адамдардың құпиялылығын қамтамасыз етеді.

3). Квазимемлекеттік сектор субъектісінің директорлар кеңесін, байқау кеңесін,
(ол болған кезде) немесе өзге де тәуелсіз басқару органын, ал көрсетілген органдар
болмаған жағдайда квазимемлекеттік сектор субъектісінің басшысын сыбайлас

жемқорлыққа қарсы заңнаманы бұзудың болуымен немесе ықтимал мүмкіндігімен байланысты кез келген жағдайлар туралы уақтылы хабардар етеді.

4). Сыбайлас жемқорлыққа қарсы іс-қимыл жөніндегі уәкілетті органның назарына белгілі болған дайындалып жатқан, жасалатын немесе жасалған сыбайлас жемқорлық құқық бұзушылық жағдайлары туралы хабарлайды.

5). Квazимемлекеттік сектор субъектісінің белгіленген жұмыс режиміне кедергі келтірмейді.

6). Қызметтік және кәсіби этиканы сақтайды.

Сыбайлас жемқорлықтың алдын-алу сыбайлас жемқорлыққа қарсы іс-қимыл субъектілерінің алдын-алу шаралары жүйесін әзірлеу және енгізу жолымен сыбайлас жемқорлық құқық бұзушылықтар жасауға ықпал ететін себептер мен жағдайларды зерделеу, анықтау, шектеу және жою жөніндегі қызметі.

Квazимемлекеттік сектор субъектілерінің негізгі міндеті осы ұйымның және оның қызметкерлерінің Қазақстан Республикасының сыбайлас жемқорлыққа қарсы іс-қимыл туралы заңнамасын сақтауын қамтамасыз ету болып табылатын сыбайлас жемқорлыққа қарсы комплаенс-қызмет функцияларын орындайтын құрылымдық бөлімше немесе жауапты тұлға айқындалады.

Бұл ретте, сыбайлас жемқорлыққа қарсы комплаенс-қызметтің функцияларын орындайтын жауапты тұлға мүдделердің ықтимал қақтығысы ескеріле отырып айқындалады.

Осы квazимемлекеттік сектор субъектілеріндегі сыбайлас жемқорлыққа қарсы комплаенс-қызметтер туралы Үлгілік ереже «Сыбайлас жемқорлыққа қарсы іс-қимыл туралы» Қазақстан Республикасы Заңының 16-бабының 3-тармағына сәйкес әзірленді.

Аталмыш Үлгілік ереже квazимемлекеттік сектор субъектілеріндегі сыбайлас жемқорлыққа қарсы комплаенс-қызметтердің функцияларын орындайтын құрылымдық бөлімшелердің немесе адамдардың мақсаттарын, міндеттерін, қағидаттарын, функцияларын, өкілеттіктерін айқындайды.

Квazимемлекеттік сектор субъектілері өз қызметінің ерекшелігін негізге ала отырып, жоғарыдағы Үлгілік ережені ескере отырып, сыбайлас жемқорлыққа қарсы комплаенс қызметтер туралы ережені бекітеді.

Сыбайлас жемқорлыққа қарсы комплаенс қызметтер туралы ереже квazимемлекеттік сектор субъектісінің ресми интернет - ресурсында орналастырылады және барлық жұмыскерлердің назарына жеткізіледі.

Үлгілік ережеде мынадай негізгі ұғымдар пайдаланылады:

1). Сыбайлас жемқорлыққа қарсы комплаенс - квazимемлекеттік сектор субъектілері мен оның қызметкерлерінің Қазақстан Республикасының сыбайлас жемқорлыққа қарсы іс-қимыл жөніндегі заңнамасын сақтауын қамтамасыз ету жөніндегі функция.

2). Сыбайлас жемқорлық тәуекелдерін ішкі талдау - сыбайлас жемқорлық құқық бұзушылықтар жасауға ықпал ететін себептер мен жағдайларды анықтау және зерделеу.

3). Мүдделер қақтығысы – жауапты мемлекеттік лауазымды атқаратын адамдардың мемлекеттік функцияларды орындауға уәкілеттік берілген адамдардың, оларға теңестірілген адамдардың, лауазымды адамдардың жеке

мүдделері мен олардың лауазымдық өкілеттіктері арасындағы қайшылық, мұндай жағдайда аталған адамдардың жеке мүдделері олардың өз лауазымдық міндеттерін орындамауына және (немесе) тиісінше орындамауына алып келуі мүмкін.

4). Сыбайлас жемқорлық құқық бұзушылық - заңда әкімшілік немесе қылмыстық жауаптылық белгіленген сыбайлас жемқорлық белгілері бар құқыққа қарсы кінәлі іс-әрекет (Әрекет немесе әрекетсіздік).

5). Сыбайлас жемқорлық тәуекелі - сыбайлас жемқорлық құқық бұзушылықтар жасауға ықпал ететін себептер мен жағдайлардың туындау мүмкіндігі.

6). Сыбайлас жемқорлықтың алдын-алу - сыбайлас жемқорлыққа қарсы іс-қимыл субъектілерінің алдын-алу шаралары жүйесін әзірлеу және енгізу жолымен сыбайлас жемқорлық құқық бұзушылықтар жасауға ықпал ететін себептер мен жағдайларды зерделеу, анықтау, шектеу және жою жөніндегі қызметі.

7). Сыбайлас жемқорлыққа қарсы іс-қимыл жөніндегі уәкілетті орган - Қазақстан Республикасының сыбайлас жемқорлыққа қарсы саясатын қалыптастыруды және іске асыруды және сыбайлас жемқорлыққа қарсы іс-қимыл саласындағы үйлестіруді, сондай-ақ сыбайлас жемқорлық құқық бұзушылықтардың алдын алуды, анықтауды, жолын кесуді, ашуды және тергеуді жүзеге асыратын мемлекеттік орган және оның аумақтық бөлімшелері.

Комплаенс офицері Б.Жунусов жоғарыдағыларды түсіндіре келе Сыбайлас жемқорлыққа қарсы комплаенс - қызметтердің мақсаттары, міндеттері, қағидаттары, функциялары мен өкілеттіктерімен қызметкерлерді таныстырып өтті.

Жиналыс соңында сыбайлас жемқорлыққа қатысты барлық мәселелер жан-жақты талқыланып, мекеме қызметкерлері тарапынан қойылған сұрақтарға нақты жауаптар берілді.

Жиналыс төрайымы С.Исахова жиналысты қорытындылады.

Төрайым:

Хатшы:



С.Исахова

Жунусов Б.